

嶺南詩集

桂林集卷第一

嶺上韓祠

斯人其元氣名蹟劇紛紛地幻藍關雪山連衡岳雲諸
州爭立廟八代竟無文幾日潮陽守東南盡屬君

過嶺

長樂龍川際高低百里程前頭橫舟待竟日踏雲行泉
響不知處鳥啼時一聲道旁韓子廟蹄酒走山氓

悼亡十四首

澠水堯山別幾春荒涼三徑賸松筠陶潛已作歸畊計

卻少田閒飽餉人

生甘淡薄惡腥羶因結同心無一錢翻恨不爲王荇婦
長教阿堵滿牀前

月旦陳衣事可嗟殯帷寂寂況天涯我今但抱嬰兒哭
簪珥前朝付典家

白傅曾吟半死桐潘家長簾嘆牀空孤鸞見鏡那能舞
轉眼皤皤五十翁

十日程江上水船肩輿又伴過龍川身寒身熱無由其
心碎茶鎗藥臼邊

炎海清涼過七年不堪歸櫬網蟲懸來時記在桐廬縣
爲看梅花共住船

才如射雉向君誇每博深閨一笑譁得句中宵尋紙筆
伴吟手爲剪鐙花

鐙火青熒檢故衣嵩山處士術原非嬌兒索母姑相紿
一到天宮便擬歸

十年屈節淚汎瀾齊體事如登第難紙作靈牌書繼室
真成地下慰方干

內閣真教犬吠人年年奔命走風塵才逢解印爲閒客

卻入空房牘一身

天女維摩不共居西湖宿草最愁予
無端題句今成讖
悔向棲禪弔六如

我老嘲君生較晚誰知泉路反爭先
一枝來世仍連理
君比盧郎大幾年

蕭然官舍數弓深種竹移蕉漸作林
偏到珠江感幽隔
曾經行處亦難尋

同離鄉井不同回明鏡花鈿付劫灰
歲歲相思寄南國
春風紅豆滿江隈

霞邨尙在羊城二首

直泝牂牁亦壯哉不應久滯越王臺
前朝我自河源過樵婦漁翁望爾回

屏當行李各茫然我向神京爾向滇
一北一南皆萬里縱能再見已三年

寄別詹生

仰龍

詹生解音學兼好讀周官餬口離家易
邨書過海難文章寸心苦瘡癘一身安
我亦天涯去期君整羽翰

過剪翠菴僧悅生錄予向所題壁詩十餘首盡和

之以示因書其後

數過此淨土題句如畫符不知僧識字奉硯同奚奴殷
勤意可感與坐共茗盃誰料重相見袖出明月珠和韻
頗妥帖頌美習未除我詩已荒穢我政更卑污數年惟
奔命風沙困肩輿皆僧所習見靡無終歲居何論政美
惡與民先開疎僧述路人語此譽真不虞謝僧跡未削
惡札畱墨猪賢于草菴釋索錢成追逋去年偶未遂劉
壁如焚書

羊蹄嶺

亦諗支筇好年來力不勝兜如騎馬險路似歷階升絕
頂雲堦孽懸崖唾欲膺何時當北上無計辦行滕

夜過南塘邨父老出迎於路慙甚有作

大小南塘邨會稅勸農駕喜爾不好訟題詩在田舍得
替今復來行輿困深夜忽覩火龍走照耀僕從訝夾路
數十人縛草以代樺麾之不肯去父老跪相迓媿我四
載餘奔命無休暇教養爾自爲課書與力稼苟不奪爾
力僅足免怨罵不罵亦不頌直道非澆詐何爲以德報
俗醇事太借感此過情舉顏汗車欲下

季深聞予再至潮陽自龍川回舟四日夜達郡城

相見於景韓寺二首

於汝千何事奔馳日夜忙
蠻江忽回棹僧舍遂連牀
燒燭驚顏色持書選藥方
相依經七載未有此倉皇
七月至九日身無一日安
始知爲吏苦獨信事人難
病劇詩情減愁多酒量寬
平生矜曠達不制淚洿瀾

鄭進士

安道

極言龍潭之勝予嘗謁大湖神廟去

此僅十里而未到也是日與鄭及李白水

聯登

蕭明經

斯

論文至夕始罷因成二首

大湖神廟近飛湍奇石如林六月寒自笑五年爲縣令
城南好景不曾看

得代身如作繭蠶重來奔走我何堪多因舊雨情難割
尙欠諸公一夕談

十月二首

十月垂已盡依然淹此邦蜚風腥到戶蠻雨冷敲窗苦
海寬難渡愁城固不降宵終圖小寐又聽曉鐘撞
怪事那有此低顏逢怒瞋原思非是病孔奮定應貧夢
裏諸兒哭鐙前小弟親持尊強相勸珍重未歸身

別剪翠菴

十笏臨大路五年數來往終食頃刻閒對壁恆技癢塗
抹跡重疊老史頗傾賞記我修竹句轉語州伯蔣蔣公
習吏事詩才亦森爽遇我常略分高論相抵掌史今回
鎮平蔣乃流遐壤知己感聚散見此意悽惻我亦移桂
林西去無回槩添題數行墨寥天付塵埃

別肅齋四首

我病我自知性獷無巧譎坐此受太困半載憂懃懃竝
世多賢豪所遇非其列登山奪短筇入泥乏乘櫂恨不

毀名檢難事求易悅俗人所豔物平生付不屑惟君能
知我書至徒悲咽今爲脫網免尙得與君別

嬰兒在絁中索母日夜啼留之無乳育長道自挈攜大
者七八歲眠食付老奚過嶺適臘月冰雪風淒淒憐此
掌中珠生小雜蠻黎畏冷不畏熱膚嫩如蘭蕙夏蟲犯
酷寒恐遂填溝谿

君家林汲生于我意甚厚力築借書園鈔副雇百手罄
產不能繼待我應已久我夙好著錄圖籍載車後羊城
僦舍仄亂帙填窗牖頗行衣食盡鬻書以餬口朝廷開

石渠萬卷羅二酉無錢寫祕本何以娛衰朽未到已悵
惘到日其疾首豈徒草堂貲貧吏負良友

新寧民難治治之恐憚煩以君新劓刀遇木無盤根變
虛逞弄蛇富室多馴猿豈無野鸛鶴剪舌教能言又聞
地瘠境山壤艱饔殮官俸絕餘入貧乃善政源君身落
淨土豺虎不敢吞獨僚習杵碓苦行成世尊

寄書二首

卷軸連牘讀未殘爲書驢券付同官旅宵戀戀牀頭簾
絕似南遷李易安

經史標籤寫最精一朝分送滿羊城臨行開帙看圖印
還要人閒識姓名

十二月十二日羊城解纜順德張毓東

日珣張葯

房

錦芳

黎二樵

簡

黃銘室

丹書

送至佛山鎮舟

中彈琴圍棋賦詩作畫至次日夜半過沙口始
別悵然畱贈三首

七載無嚴寒寒來適就路珠江逢石尤忍凍機爛戍所
喜諸君集攜榼二日住別筵弄琴書黯然不成趣贈言
滿行篋明珠照臥具直疑越海英隨我度嶺去

我亦欲有言諸君鑒我誠讀書如千祿奧援求公卿日
走簿尉門豈邀一命榮六經廿三史文章所由生卑卑
井蛙作何足勞逢迎諸君玉國粹將爲金闕精詞頭歸
根據券取千秋名

小儒充俗吏仕學常兩失安居縻官俸所得爲奢逸代
後惱悔多塵土委書帙旣無美政事亦無一撰述諸君
大雅材胡爲屈相暱結交昔所重合并後難必清淚落
北風分手悵今日

發廣州寄平仲二首

秋前已交替歲暮始長征登路防寒餓還鄉襍死生幾
年甘政拙閱世得心平兩鬢霜華滿家人見莫驚
萬里攜孤櫬諸兒共一船將爲吾弟累每得路人憐嶺
險臨無地灘高直上天預知三板裏悽絕是新年

行李

行李辭僊石輕舟過佛山故人從此別鄉里幾時還嶠
路憑身健蠻江照鬢斑嬰兒是官橐不恨太癡頑

連州江口

北上水應淺客舟行漸艱寒流出涯口獨夜泊沙灣何

處貞女峽空懷賢令山朝來須早起舉石仰孱顏

滇陽峽次女壻畢

龍驤
韻

高灘泝牯牛絕壁夾奔流萬仞看先怯他年憶更愁日
沈出雲岫人挽上天舟縱有平安報迢迢萬里郵

聖壽寺

英德城南路名藍倚石屏溪將僧眼碧山落佛銕青殘
照涵暉谷荒榛讀易亭前蹤付寥泬怊悵檢圖經

英德南山三十韻

緣江開屏風古色照清冽城南距一里岸西徑再折

蟲爭人立重重成陣列片片蓬島雲寸寸梁州鐵藍黛
染難似雨露洗逾潔根深及鼇負顛齊儼斧截長不過
豐碑短亦超小碣塊方出矩度質膩少皴裂鐫猶假梯
枕書如題綽楔羣真蹟降遊五丁幾時掣過客咤奇異
造物偶施設微低當古寺佛座跨一垺寺南鳴弦峯百
丈高截巢欲高未高際石壁更峭絕琳瑯闢生面金薤
聚前哲嘉祐棧路記完好無利缺故蹟應可尋橋梁須
補綴捨舟避峽險行者將大悅又有十咏刻北宋所表
揭聖廟與書院亭閣紛更迭如何委榛莽弦誦變蟬咽

平生于金石舊聞快拾掇苟能裨史事詞翰略工拙緣
枝登鳥巢攀磴仰猱穴剡剔手黏蘚諦審眼增纈強記
待筆錄偶忘又埽刷俄傾數上下日夕忍疲茶旁有枯
僧隨容瘠衣百結佛宇亦就圯勝地太蕭屑惟有山水
好終古不湮滅

觀音巖三十韻

曉至觀音巖
機舟試孱脚
洞門呀然闢
攝衣闖重鑰
白
日忽昏夜
明鐙僅微燭
拊楯山鼠飛
唾地谷神諾
屢折
迷所向
踏石畏朽索
一竅開
絕頂俯瞰得
寥廓
奔瀧圍

佛几來朝萬青嶠形肖靡不有獅象龍鳳鶴鍾乳當檐
垂旛蓋倒蓮萼輪囷寫毫光珠玉飾簾幕造物施供養
萬古無銷鑠耄衲導我下具茗半山閣軒豁遊大廈息
定興磅礴拂蘇睇高壁文字爭寄託韓蘇所未到此景
遂寂寞再下出洞口乃見飴山作南遊爲美莊川巖入
詩橐磨勒得此三南山連碧落恂悅新城篇片石誰爲
鑿回舟更仰首萬仞一斧削皴縐尺寸異渲染朱綠錯
五丁猶夙聞何人布丹腹下有蛟螭蟠上絕猿猱躩松
桂挂石棱飛鳥偶附著對此一長嘯迢然滿崖壑卻悔

初來時峭帆疾于鶚夜夜蓬島夢年年文書縛山英畱
奇勝及歸踐昔約烟霞浮蓬窗兒女亦駭愕行廚問薪
米將爲十日泊

白都巖

白都巖石攢丹青不爲宇峻爲垣橫咫尺曹溪阻遊屐
重崖疊嶂紛相迎齊州鵲華杭南屏誰教化作千百形
記取此巖互數里曾游佛國黃金城

韶石

馬頭至平圃上水一日程左右皆韶石刺眼紛嶂嶸相

對如故人彌嘆造物靈記我初來時見此心神驚欲以

告弟妹兼示濟南生

謂周書昌

據舷就片紙持筆圖其形有

客見大笑謂我畫竹萌鹿鹿七年來絕景臨牀縈至
幸天霽惟恐眼不明溪路互曲折山形俄變更橫側各
異態隨人爲呼名東西屹雙闕僊子白玉京縹緲靡不
有十二樓五城帝樂昔何音諸石皆立聽

撥船

空空老龍船已過韶州權溪淺不能上易艇似蝸殼蔽
風施篾篷遮雨缺油幄常恐書著水一夕啟簾數大兒

方號寒布被覆頭角小兒在綳裏笑看山犂畧老夫飽
無事殘帙仍手握載書多未讀所望兒能學坐憐牽挽
人赤足上堦塢北風發彊弩射面遭皴剝有時踏灘水
水冷脰如斲又聞撈篙聲痛甚呼阿晷巖谷喧相應暫
寐忽驚覺逼除爾不歸與我困澆滯酒脯將勞爾明日
正月朔

舟中除夕

扁舟過五渡沙寬水彌窄戢繫窰潭墟地近小池驛雄
州阻一程荒涼作除夕趁墟得鮭菜蓄酒封新拆陳邨

權屠蘇全家共簋席老僕爲嬌兒爆竹買數百熱向巖
溜閒迅響奪湍清姑取兒輩喜誰忍更呵責達人于天
地逆旅託過客百年在俄頃萬里亦咫尺南北限嶺嶠
寒燠同裘絺凍雲籠林薄何處非吾宅惟痛別船載歸
櫬蟲網積不與飢渴共頓作幽明隔垂老當空房多病
遭遭厄兒女不解哀對此傷肝隔守歲慘無語豈爲苦
行役昏鑑照孤蓬嫻嫻夢容迹

桂林集卷第二

丁酉元旦二首

滇江灘水滯郵籤頭白歸舟歲又添
剝下家丁失巢鵲
眼前宦境上竿鮎紅梅北望春光媚
青草南辭瘴氣炎
連日愁霧忽開霽
屢豐仍爲粵人占

際曉衣冠拜 九閭了無一事到孤航
聽殘爆竹惟驚
老說著椒花又悼亡
落落琴書邀作伴
紛紛山水送還鄉
年來弟妹知何似
此去飢寒與共嘗

初四日寄懷葯房兼示二樵

回首僊湖翰墨場。湏溪盡處意茫茫。春帆行逐三湘鴈。
歲酒猶淹四日羊。戴笠交情見肝膽。同袍吾道是文章。
載書過嶺堪圖畫。癡絕應煩顧長康。

過嶺次季深韻二首

已別清涼海將歸。大小東隔年鼻城。路千里石九風兒。
女充官橐冰霜入鬢蓬。到家應不識何處一衰翁。
非遊亦非學。憐爾共趨奔。一病淹長路。千山斷旅魂。朝
辭青草瘴。晚憩落梅邨。藥物須親檢。鐙前老眼昏。

寶界寺

南安寶界寺東坡所攀踏先後三謫官

謂劉安世江公望張九成三君

于

南來寓禪榻講學聚多士誦聲應鞞鞫經偈刻在石

年久蘚痕合我來世太晚佛宇風蕭颯梵唄午未聞逢
迎一老衲拳拳問前蹟木木不能答向日鐵漢樓易額
扉常闔楓蠟數古樹乃與榛穢襍茶罷悵然歸竟無碑
堪搨是夕泊橫浦坐似噤聲鴿東山壓船窗且看山頂
塔

人日寄肅齋

此身已別嶺南天歸路將開下水船寄友題詩遇人日

乞漿得酒是雞年讓君飽啖東風菜容我深耕北海田
惟有離懷銷不得幾回回首瘴雲邊

聞霰

輕舟出雙牌逆風不假便野泊滯竟日弄筆手欲戰向
北寒漸劇罷飲蓋頭面入夜篷有聲雨點作纖片如葉
觸窗紙如鹽撒空院舟子誤呼雪老夫聞是霰霰乃雪
先鋒冰爲雪後殿冰雪都未成遇此永初鍊鬱懷忽快
慰七年不汝見頓覺詩骨清無復長路倦寧恨衾潑水
更求市鋪麪明晨啟篋窗庶幾銀海眩

南康縣次季深韻

船頭度山色
篙眼沸灘聲
嶺北七千里
江西第二城
春風衣怯冷
夕月鬢爭明
病起吟休苦
憐君太瘦生

原作

章江流水急
亂石觸篙聲
春看岸邊樹
晚經江上城
人從長路老
月傍獨舟明
鄉夢杳難就
愁來尋麴生

夜抵贛州再用前韻

昏黑虔州路
啞啞駐櫓聲
山分燕尾水
人到虎頭城
戍鼓乘風響
檣鐙射岸明
不防關吏問
襍被一書生

遊贛州光孝寺

俗名出水寺東坡集所謂景德寺南禪寺崇慶院皆此地也

贛縣借小隸導游爲景德誤引兩新利市賈所裝飾因
知寺名改無怪隸不識自尋東南路居然到淨域易額
曰光孝流水出門闕殿宇仍高峻禪房半傾仄夾階兩
大池澄綠深莫測其源卽廉泉乃限寺左側方欄白石
甃殼紋翠羽織荇葉清見底榕陰淨干拭疑與章貢通
傳自霹靂得規入書院內結構頗瓌特亭閣接城堞蘭
卉滿庖湍山川齊到眼攝衣快登陟所惜同遊僧長餓
捉破襪洗垢慈雲鑒乞珠南禪湜坡公所酬贈茫茫費

追憶泉上夜話圖近人爲補勒千古陽行先高節著南
國舊刻應亦夥何至盡銷蝕隸云元明來百戰經盜賊
南中第一區遂使委榛棘徒誦洛翁句不見金碧色喟
焉嘆蓬蒿不獨佛無力築室聚生徒江南勝江北所學
或末藝經傳滋茅塞鵝湖鹿洞閒幾人尙楷式國家
盛右文儒吏各修職書院名濂溪教興跡詎熄淅淅寒
雨至歸路片雲黑

贛州三首

晚歲瀧頭問瀧吏新年灘口請灘師虔州東去多鱗甲

正是天寒水落時

紫芝高行仰嶙峋先後陽城絕等倫明日通天巖下過
魏爲兩度悼亡人

出灘次季深韻寄平仲

一夜諸灘過生還是我身空山辭木客暴雨見楓人長
路何時半新年歷險頻平安報三徑歸及桺條春

原作

漸別南天路灘頭一病身風霜滯輕艤山水醒愁人
鄉信經年少家園入夢頻明朝泰和縣共賞眼前春

滕王閣

孤霞縹緲落虛檐絕域歸舟此又淹
僊觀千秋鄰鐵柱詩家幾輩卷珠簾
西山南浦長天共楚尾吳頭勝槩兼
要識匡廬真面目彭湖北去數郵籤

百花洲

春水陂塘占半城蒲茸茁綠柳垂青
畫檐忽向波心見便是吾鄉歷下亭

讀朱樸士字江集四用前韻書其後二首

君家好兄弟詞賦早蜚聲久別三珠樹
今看五字城溪

山隨手異花鳥入詩明持此歸鄉里應誇棘下生
美政詩書氣清吟冰雪聲心如字江水名滿豫章城落
後孤帆過爭先兩鬢明瘴邦吾有作偃蹇可憐生

易舟二首

又辭三板上車牌鼓棹沿江直到淮逢著名山便登岸
一枝筇竹兩芒屨

嶠外撐篙聲似哭吳中盪槳聽如歌年前年後多佳節
銷得江湖幾疊波

北蘭寺

說法從南嶽尋幽到北蘭空廊一僧老高閣數峯寒竹
色琉璃界梅花冰雪團風帆門外過坐數最心安

吳城五用前韻

烟堠過樵客風沙遞市聲鴈羣依楚水帆影落吳城彭
蠡層濤碧匡廬一面明望湖亭子上雨捲夕陽生

黃巖瀑布

船窗望銀河十里常在目到寺翻不見層巒帶松竹西
行無百步轟如轉萬轂香鑪仰半面雙劍明一簇玉龍
下黃巖上方幾伸縮低首飲碧潭噴薄翻地軸峭壁隨

宛轉鱗甲露迴狀波底誰鐫鑿金莖朗可讀髣髴太白
題下者亦坡谷我來噤不語還尋馬尾瀑

鄱陽湖寄平仲

取道蛟龍窟投身波浪閒浮沈星子縣縹緲大雷山千
里隨鴻影孤舟慘客顏不惟經毒瘴艱苦說生還

南康寄張度西

九鉞

歸舟暫櫂紫陽隄山色招邀獨杖藜五老峯無真面目
六朝曾有舊招提玉淵金井棲賢谷白鹿青牛貫道溪
悵絕同心不同賞故人尙滯海珠西

寄潘五亭 本倪
二首

芒屨連日上嶙峋向背迷離數問人身到廬山仍似夢
不知面目那邊真

獨踏飛橋訪玉淵精藍頓失其游緣僧雛說爾年前到
一夜西堂抱月眠

湖口縣六用前韻

江湖合流處石壁得鐘聲漁屋木末市女牆山上城南
風沙鴈起西日布帆明廬阜忽頭白回看雲氣生

湖口道中八首



湖口縣城雙石閒天寒水落失淙潺眼明峭壁誰雕績
略似英州岸上山

西望大孤東小孤春波沆瀣烟模糊扁舟如葉逐鴈影
十日未辭彭蠡湖

道元作注東坡記水石相舂爲底忙欲寫鐘聲詩未就
片帆已過鷓鴣塘

已別蒼顏五老峯船窗又見碧芙蓉行人來自波羅廟
銅鼓持將對石鐘

金碧真身不可攀石梁渡隔萬松閒江干便是黃梅縣

一片晴霞五祖山

曾向新州問後塵傳衣舊地忽前津年來似解菩提偈
誰是江頭把櫓人

楓葉蘆花隔暮雲江邊古蹟劇紛紛乘風欲泝潯陽郭
一曲琵琶灑淚聞

玉京山下柳梢春乞食高風本絕倫明日又經彭澤縣
天邊八載折腰人

彭澤縣七用前韻

秫田沒何處柳外春禽聲素練一帶水碧螺三面城暫

時彭澤縣終古陶淵明高節了無異能令歸思生

懷寧道中三首

左慈丹竈隔烟嵐沙沒吳陂路未諳雨後扁舟過皖口
數峯青峭是江南

赤壁勳名未寂寥紅顏一代恨難銷巴邱曾識周郎墓
又向雙溪弔小喬

天柱壇臨白鹿洞千秋香土奉真君回頭國學廬山裏
卻道南唐最好文

黃家套喜雪

寒雨忽不響飛雪到蓬背相別今幾年相逢江汜內倚
空輕能舞近人橫弄態落水頓湮白遇山將掩黛粗生
梳索棱淨滌舳舨穢我從炎洲回春半寒令退誰知此
守風開窗忽相對諦視拭老眼驚喜走兒輩問我是何
物誑以天花碎龍女所剪造片片盡神賚簞承積漸厚
匕取小作塊出入羣笑譁真成越大吠烹茶我先飲瓷
甌貯沆瀣毒瘴應消除清氣滿肝肺

丁家洲

銅陵縣北丁家洲又卸風帆避石尤把酒何妨終日住

數峯殘雪近孤舟

荻港八用前韻

竹樹叢叢色入烟
戶戶聲舟過紫沙渚
雲接赭圻城
月上諸峯近潮來一港明
蕪湖才百里莫遣怒濤生

荻港見杏花二首

幾載不相見
水村春乍酣
一枝紅杏色人已到江南
江邨二月破微雨
杏花天卻憶嶺南路
春風開木棉

板子磯守風寄平仲

舍陸挂帆烟水閒
浮家半爲游名山
匡廬二勝已入手

彭澤小姑堪解顏歸夢先登大雲頂輕裝未過蕪湖關
昨朝江汜見飛雪似是故人迎我還

江寧鎮守風次季深韻

三日江寧鎮天寒不肯晴蓬低迷早暮炊斷似清明挾
水風常逆飛花雪又成蔣山空在望澎湃怒濤聲

原作

地有長江險天無幾日晴家園猶夢寐客路近清明
野泊炊將斷春寒雨易成吾兄課兒女喜聽讀書聲

江寧鎮遇雪

金陵一舍耳五日滯荒埃千艘集仄港飽聽風水鬪飛
雪穿篷窗十日再相覲皎潔對顏色清寒束膚滕天意
娛歸人于我亦已厚況有烟中鬟靚妝列左右三山夙
所仰咫尺成邂逅可望不可登皚皚照白晝

江寧襍詩八首

蔣侯廟在蔣山中逐盜捐軀烈士風俎豆平生仗青骨
何勞騎馬使飛蟲

龍盤虎踞諸葛語紫蓋黃旗司馬書銷得福王一春夢
春燈燕子上場初

江路西南上暮潮宣城詩句落鳴橈歸舟一葉何人識
雲樹濛濛過板橋

高臺叢木近通闌絲竹賓僚幾往還開國經營省雙闕
卻教太傅築東山

舟師曾比漢昆明池外蓮花面面青千古鍾山似廬嶽
桑田無處覓宮亭

繡佛長齋一善人不應優假失樞鈞臺城日苦何足惜
二十年前已捨身

人神天廟罷犧牛鳥獸全歸長命洲莫道放生無佛力

臨軒四十八春秋

梅嶺岡前梅氏宅得名偶似漢將軍
豫章罷職應多暇
密室垂簾造古文

揚州清明送孫旣同歸里

三年淹絕域萬里共扁舟
此地一分手臨風雙白頭
雨聲過寒食柳色滿揚州
各指家山近歸人不解愁

初著白鵬補服戲作

八年墨綬最波瀾
佐郡新叨五品官
從此蕭然號閑客
當曾試畫與君看

翁覃溪學士程魚門吏部邀同丁小山陳立三周

林汲孔莊谷梁志南小集卽席限南字

風濤萬里趁朝參
僊第招邀快一談
檻月圓如人面好
檐花紅落酒杯酣
諸公論古追王質
晚學研經仰鄭覃
幕府誰憐廢文史
白頭仍向瘴雲南

同作

翁方綱

挑鐙一夕勝開函
薊北多時憶嶺南
到處訪碑將石
蛀此身取喻是書蟬
傾囊倒篋搜新刻
注海翻河續
舊談名士修髯彌嫵媚
月窗齊拂影鬢鬢

南淵魚門
書倉小山

皆多髯
故云

陳以綱

韓山何海舊曾探獨憶卿雲隔嶺南入市忽逢車兩
兩看花齊到徑三三石章久斷湖州跋經義誰從北
海談賴得諸公相振起幸分殘本及狂男

六月十五日出都畱別欽州馮伯求季求歷城周
書昌次伯求見贈韻二首

論交從嶺南常同筆硯役峨峨大馮君辭章決華國傾
倒八九載薦賢非我職相逢燕市中聚首似僊石小馮

朝夕俱新詩。轍和軾亦漸能篆隸。年少驚耆德。輦下足
舊雨。碾塵走遍覲。如何夏木陰。獨爲蕭寺惜。淨地對劇
談。淪茗及月色。嚴程忽南陲。觸熱理馬策。瘴鄉所習經。
何足愁戚戚。惟讀贈別篇。牽袂動心魄。

兩月住京華。與君無暫閒。借鈔中祕籍。手少傭爲艱。同
好周柱史。插架高難攀。萬卷不滿意。持錄愁攢顏。四庫
寫未半。積債如層山。憐我二三子。悵悵岐路閒。同出國
西門。書篋光爛斑。所遺尙幾種。將行復欲還。終日停軫
語未過。盧溝關好古。苦無力。此情不能刪。望君登要津。

刊布傳通闕

拜墓

牽絲滯百蠻風木涕潛潛微秩推恩及嚴程給假還十
年墳上草萬里夢中顏石表蹉跎甚光沈篋笥閒

抵里贈諸故人

回軫從天末看山似夢中故人重握手一別遂成翁官
橐諸兒小家緣百物空如絲不知退仍欲去恩恩

後出門行

我生不得游鳳池不得仗節吳越衡偉辭不得騎馬秦

蜀搜殘碑不得還魂香起我靜叔相與研經守山茨不
得趺坐黃巖看瀑布出家竟作匡廬師萬里歸來拜先
壟恩恩登路仍南陲田園賣盡僉僕散忍別故林霜滿
髭出門惘惘將何爲垂老未必貪腰龜所喜洞庭衡嶽
蕭湘灘蒲帆蠟屐行相追入桂之山清且奇丞廨石筍
高當楣出門出門吾奚疑

潘店題壁

自過齊河縣平原一掌開回頭別浮翠眯目入飛埃秋
氣隨官柳鄉心及綠醅重陽是明日且上魯連臺

渡黃河二首

禹鑿三門在周封五嶽齊從天落銀漢終古倚金隄
浪滅桃花後源分蒲海西崑崙不會覩司馬亦醺雞

憶昔淮上渡堅冰天正寒居然騎馬過殊比泛舟安秋
水層濤闊征人一葦難何當隨五老飛跨碧雲端

開封卻寄周東木

垂老重爲萬里遊濟南水木失淹畱八朝不見青山色
已渡黃河到汴州

葉縣

曉日林塘外秋風楚蔡間逢人頻問渡登岸乍看山白
髮仍行役黃埃不駐顏雙鳬杳何許仰首片雲還

落日

落日耀平楚訪秋何處痕黃花不到眼紅樹欲燒邨客
路墮三戶詩懷慳一尊晚來愁底事無寐對鐙昏

夜大風

九月十九夜大風東北聲掀厖震瓦掣窗眠不得屋前
老樹愁折摧地當舊葉縣傳有葉公翫龍臺疑是真龍
下閭闔盤旋鱗爪驚奔雷中州旱魃方爲災邨氓踴禱

吁可哀風伯請退雨師來坐令種麥除荒萊道淳停軫
吾懷開

風後聞雨喜而有作

暴風忽作雨一夜亦爲霖昨日飛埃盡前塗落葉深涼
生獨客枕聲入萬家心青社知何似秋初旱到今

裕州

高下裕州路清溪渡幾灣客車隨朔鴈人語入南蠻博
望前途驛方城四面山蒼然徒到眼無計上孱顏

南陽道中

三日南陽路臨風古意稠
兵戎餘沃野城郭帶寒流
有客懷平子逢邨祀武侯
何人是真隱飲水菊潭秋

南陽寄弟

形勝南陽似昔年紛紛舊跡馬蹄邊
雲如匹布來中嶽水帶連橋達漢川
郡守幾人稱父母縣公於古是神僊
長塗報爾新聞見記里離家已二千

白河

霜前好林木沿岸翠雲稠
漸見賈客棹將辭鴛馬輶
水從嵩嶽下人接漢江遊
一片望夫石亭亭經幾秋

漢江月

畫釋車馬困夜逢舟楫安依然故鄉月忽上楚雲端峴首影擁出漢皋光射寒浮沈隨短棹應作佩珠看

鎮南樓

唐篆不可見高樓江作圍我來當落照登眺思依依循吏兩持節名山三布衣鹿門與峴首終古在清暉

大隄曲

妾家大隄上隄草秋如春柳學長眉積青葉山近高髻如綠雲鼓枻南客來贈妾黃金釵停輪北人到贈妾白

雪縞不如東海癡書生贈妾一曲薄有名乘妾桃李年
乞郎錦繡篇妾貌似漢水一去不復還

隆中

入山與出山事異道則同三顧臥龍去潭移青山空劉
表雖造訪不致龐德公鹿門一舍耳千古對龍從

估客樂六首

樊城無靜房市聲奪絲竹不如巴竿船鴛鴦就野宿
當窗矜纖手爲郎鼓瑤瑟不似縮頸魚針鉤釣不出
大鰲載吉貝元夜下湘潭祝郎發厚利歸及三月三

不要蟲作蠱期郎春半來酌郎竹葉酒贈郎頭上釵
看儂頭上花拗自桃林岸郎到五羊城爲買珠十串
不學龐公妻願作漢皋女羅衣佩明珠郎是鄭交甫

宜城道中二首

齊髡放鵠語縱橫古驛荒荒落照平莫怪當時劉夢得
曾吟野水繞空城

生前詞賦配靈均身後遺居滿楚津江上已歸庾開府

此閒應借注騷人

王逸亦
縣人

白雪樓

峨峨白雪幾春秋和寡人人說郢州卻怪當時最高曲
引商刻羽付東流

沔陽道中

輕舟忽東北此水最彎環岸樹梢天碧汀花著雨殷天
連雲夢澤霞斷火門山前路逢張謂湖亭待一攀

雁

一雁在空霧南來當杪秋偶從江漢過直作瀟湘游求
伴向何許斷糧無與謀故林有兄弟不聽鳴啾啾

金口

我過金口驛著屐上龍屏磯名回望挂帆處層濤深霧閒

黏天江上草隔岸漢陽山卻羨垂綸者披蓑老一灣

武昌道中寄懷紀曉嵐先生

再見初弦月南征未半塗
驚駟辭宛鄧飛棹託江湖
筆削書歸庫紛綸說入郭
回頭企門館無計住斯須

京水筆

不持判筆今一年操觚著句江上船
竹管羊毛最應手小作蠅頭大如拳
鐙下食單借揮灑興到復展華亭箋
札故人付郵寄此筆未損秋毫顛恨我腕無十二意

又無傑思飛風泉粗曉偏旁校古籍石渠已斷今生緣
獨攜書簾向南微一錐空費三百錢筆不負我我負筆
造者姓名寧忘旃廊房胡術孫枝發蒙恬路扈將同傳

夢見邵二雲

故人遙入夢索我近詩看相對無一語覺來更已闌蒲
車迎史筆祕閣有騷壇近閉江上戶著書懸不刊

鄧謙持索端硯久矣偶得一佳者萬里持歸謙持
已死將琢銘以殉其葬而葬未有期硯仍在予
行篋僕輩誤取供予用棖觸竟日乃作是詩俟

塵硯目竝焚之

故人工書癖嗜硯有如美女于寶釵一片紅絲昔持贈
瓊琚報我新詩牌嶺南歲接十餘札敦促伐石端江涯
老巖水沒苦難致青花蕉葉沈烟霾分校棘闈遇奇士
相馬偶識流金駟感激私恩出舊物紫雲冉冉墮縣齋
判筆如鎚不敢試將同角枕投洪厓壓取歸舟行萬里
騎驢重踏東昌街到門驚見黏白紙無人肅客登東階
櫬上網蟲九閱月精神安往畱形骸伯道爲善絕美報
不見新草生枯荜沉復侍郎有明德天道人事無乃乖

真氣磅礴滿巾笥遺草猶堪埽淫哇哭君子君得達觀
生前富貴皆優俳地下結習儻未免合將此石供磨揩
聞君瀕死焚古墨不及并此加束柴我今爲銘琢其背
與君同向青山埋一語寄君君自排再生莫要文章佳
要無疾病樂事諧花似吳姬酒如淮溪山處處通芒屨
不嘔心肝多靜懷大年應與彭聃儕硯好亦是千金豺

桂林集卷第三

生日

今年四十八功名一鳥有江船作生辰兒女具杯酒對
之傷我懷霜髭驚老醜起登岳陽樓君山忽落手湖水
雲接天年光星過雷憂樂無所繫何敢爭先後

三閭大夫廟四首

久讀懷沙賦天邊弔汨羅湘蘭遺佩在楚菊落英多湖
口浮孤廟濤頭荅九歌黃陵才一舍當日淚滂沱

博學寧爲累讒人口是刀何曾成憲令翻使作離騷棟

葉隨流盡雲旗與浪高獨醒亭畔路應爲飲醇醪
空聽滄浪曲其如察察身身先三戶滅情向二姚陳野
水連青草秋風薦白蘋大招誰解續賈傳最沾巾
免脫張儀去雞翔鄭袖賢問天天不荅抱石遂投淵啼
嘯驚山鬼精靈託水僊懷王徒有墓寂寂委荒烟

黃陵廟二首

落日瀟湘一片愁皇英遺廟枕寒流靈風出入蒼梧近
淚雨汎瀾斑竹秋實有搴芳薦南國虛傳解佩寄中州
瘴鄉未至曾虔禱爲訪韓碑暫繫舟

離鸞別鳳共荒墳夕芬朝蘭奉小君桂棟平臨南嶽樹
翠華遙望九疑雲楚臣死後朝瓊佩蜀帝啼餘汗縞裙
哀怨何須鼓靈瑟江聲嗚咽不堪聞

蘆林潭阻雨寄懷葯房

入湖復出湖昨日行三程遲速亦循環驟雨淹揚舠水
氣散厓坡南國新寒生忽憶去冬別北風捲江腥打頭
兼冷雨嶺表所未經畱君書畫船佛山三宿停酬和意
悽慘擊節不成聲長路千回首感此膠漆情

船車過一年相思無虛晷京華得新咏如接顏色美南

來祝重見兩粵咫尺耳誰憐行路難迢迢困楚鄙沿漢
泝岷江身落洞庭裏悲風滿瀟湘三閭二帝子陽朔已
入夢宦游半爲此何時坐君旁傾尊話山水

湘陰道中寄羅臺山京師

洞庭南去路有客悵羈孤雲濕笙竹驛雨荒青草湖遙
憐萬人海暫住列僊癯十載不相見參商天一隅

湘陰道中寄蔣太守謙齋

三日泊湘陰天寒烟水深竹枝堯女淚香草楚臣心客
裏恣懷古別來思到今明朝遇公琰嶽麓其清吟

贈潘四郎君

本信

偶作三湘客相逢入景臺頻年音問少長路笑顏開樽
散安吾分霞蒸看爾才因風謝門館甚負手親栽

同潘芳余游嶽麓寺

單車出國門已作南嶽想宛轉六千里長沙弭飛槩故
人在天涯閒曹真吾郇橘洲一葦渡復輿竝肩往書院
以寺名當路跨金榜幾輩駿生徒八十老山長導登中
庸亭引拜朱張像手攀道鄉臺面向星斗仰岫嶠楊氏
作亦足資悵惘舍嶺復尋谷艱危入幽敞高步楓樟陰

細聞澗溜響棲巖午影暗吹竅天籟爽林盡逢精藍殿
古踞平壤莊嚴證佛性寂靜脫塵埃後院闢石成穹閣
攝衣上度鳥鳴下方修竹伏宿莽城郭帶亂帆瀟湘落
吾掌東眺氣以佳北睇霄彌盪自泛洞庭來魂夢猶恹
怳歷險得奇觀事與彭蠡兩閣後白鶴泉澄碧溢方丈
在山仍出山崿灌甚寬廣連峯攢西南望嶽已朗朗有
石不肯拜祝融待搢杖琳宮探未徧寶宇來亦儻耄僧
送我下依然墮世網更問古道林蕪沒增悵快齊已詩
可誦宋杜蹟安傲嵯峨北海碑幸未變礎礫谷口空坐

臥將爲三日賞

賈誼故宅

賈傳承塵爲埽除當時壹鬱楚中居吳公推轂年猶少
馮敬妨賢遇偶疎怪鳥飛來方作賦騷人沈處早投書
亡何宣室虛前席卑濕何曾老此廬

嶽麓八咏

射蛟臺

陶公射蛟處臺以射蛟名至今湘水綠無復大波生

白鶴泉

在山滿一沼出山漑千區不似潭柘泉但供香積廚

拜嶽石

到此不敢拜朝嶽有夙志扶杖南天門稽首上封寺

道林坪

宋杜詩版亡朱張書院興道林清淨土誰續長明鑑

清風峽

長沙燠濕地來此當清風蘭澗流足底萬古聲淙淙

抱黃洞

禪宗與儒宗同以嶽麓傳誰知抱黃洞更有唐時僊

麓山碑

峒嶠七十字淺陋誰所爲麓山求古蹟止有麓山碑

咏歸橋

當年講學人來往此橋上有客看山回落日聞樵唱

過晚洲十里雨甚野泊用杜韻

箐密奇石隱風高急湍壯崖閒牽舟人猿挂難爲狀都
石名驛才三里冒雨不能上向夕就野岸無酒淪茶當南

嶽橫空來路近意彌悵燠冬祝早晴登高萬花放

望嶽八首

湘轉停蘭棹雲開望紫閣重華遺蹟在南服此峯尊首
尾諸州拆陰陽二曜吞司天神次貴齋沐問真源

穆穆山中廟朱甍擁翠嵐辨方九疑北正位五湖南祕
簡前王啟真形異代探琳瑯盡天藻幾駐使臣驂

七十峯相繞何妨一不朝東奔看紫蓋中道在青霄珠
斗應平眎金烏待坐邀回頭泰山頂併入夢魂飄

十八高僧地峯峯轉法輪靈龜遊晃蕩文鳳集璘彬日
落修竹暗風香芝草春烟中紫虛閣應謁魏夫人

雲母層巖上黃精百寶餘平生采藥忘悵悵到靈墟洞

古常眠鹿潭深足釣魚此中富圖籍還訪鄴侯居

幽邃說方廣峯圍開士家朱張昔乘興共踏青蓮花一
夜題雪壁到今籠碧紗風流不可作西嶺松槎朽

皓白吾鄉曲曾來貯好顏豈能窺道妙已自享清閒曳
杖朱陵洞看雲紫蓋山偶然書瑣碎寶唾播諸蠻

芒屨經嶽市不見賣薑翁歸路萬松裏誰家三島中真
知兒女累失與故人同書札誇親友南來識祝融

萱洲

萱洲木石秀錯互逼高岸人家簇蜂房客帆上魚貫風

駛賞不及歌苦聲忽斷昨日祝融峯回頭在天半

合江亭次韓昌黎韻寄黃太守

樹棠

昌黎戴筐星建言與時左遷謫落南斗天風送珠唾蒸
口登高亭慨然思王佐結構亦常事豈真視奇貨僚吏
善獎借山川恥虛過選勝興輒發歷艱氣不挫憩林詩
偶題卸帆人競和到今閣三層猶環竹千箇我尋江綠
淨誰憚徑坎珂立石似鳶跼剔碑或猿臥石鼓銷兵氣
書院有文課買山志何如窮經老無那萬里貪風景兩
江辨強懦忽念黃衡州下馬仁風播嶽麓昨把談霏屑

慰飢餓化邦我獨來但聞民相賀有子亦賢智禮客無
傲惰肯假圖經讀不登聽事座按籍索古蹟徧踏苔殘
破珊珊南軒書勿使塵土浣

月洲遇雪

正月江西霰二月江南雪春風偶霏微歸舟咤清絕長
夏走燕齊輒塵困炎熱鼓枻衡南來愁瘴眉常結誰知
元冥交凍雲忽成屑中夜篷背重篙師手皴裂水驛滯
牽挽月洲對明滅兩岸連澄空千峯辨凹凸猿鳥靜收
響松竹低欲折攬鏡鬢同色看天眼生纈一年凡三見

湘中尤皓潔翻恨南嶽頂不與六花瞥前去桂林郡燠
濕無寒節雪乎待我歸庶幾非久別

遊浯溪用皇甫持正讀中興頌詩韻

衡山洩餘氣渡湘形忽碎火德所鍛鍊森立各奇態青
玉削高壙福地洞天外神引元道州身參列僊隊十丈
臺非築三閒亭略蓋五銘肖峻嶒圍壘出新裁更鐫中
興頌健筆變偶對文衰誰振起千古仰權槩公譬作堂
構至韓乃恢大同時顏與杜書詩許同輩到今溪上宅
長林噴飛瀨往者不可作機舟我安待

浯溪六咏

悟臺

高臺不用築伸頸烟雲青陰鐫中興頌陽刻悟臺銘

唐亭

我來逢寒冬六厭得其五尙有未銷雪持以誇水部

漫郎宅

漫郎曾有宅身後還天地當時愛山水不爲子孫計

鏡石

兩月不攬鏡忽驚霜雪新山中一片石照盡看山人

中宮寺

名山僧占盡此山殊不然松濤苔梵唄遙在溪西偏

西人巖

不見寒泉銘本非寒泉地此巖付人人聾叟應不忌

湘口

瀟湘欲合處石壁排空高巧作郡邑障日夜當奔濤上有特出峯如人具笏袍下有十閒廈剗刻非斧刀湍急撼天地位置何能牢聞之有五丁戴之有六鼇

永州道中五首

策杖遷人清興酣
鉅潭西小石潭癖
好道州卻先得
丹崖親訪郡城南

石塘萬仞怯攀登
石隙樓臺望幾層
消受閒雲半天上
古來惟有澹巖僧

永州山水冠炎方
小記河東自擅場
吏部文章工部律
不教一步過衡陽

瀟湘樓與芙蓉館
城樹湖雲相對青
更看郭西山色好
沙鷗飛過玩鷗亭

自過衡陽無雁還
家書難得報鄉關
憑誰剪紙招遊客

魂在零陵江上山

盤洲石壁

我上盤洲灘夾舟時雙壁其北奇更甚縱橫五千尺上
排杉陰綠下映湘水碧衙衙列屏障萬縑邈一石唐宋
文君子舟過常絡繹遇此無畱題自恐不入格堂堂杜
與韓未作永州客元柳無多身得一乃遺百到今又千
年少人真足惜

挂滿堂歌

金荷灘北森石壁舟人道是挂滿堂擬以屏風頗相肖

堂才數仞何能張此石縱橫各千尺高于佛國黃金牆
檐牙鵝吻排絕頂誰其琢之古媧皇峻峯中劈補天用
當年玉刃摩霄揚畱遺一半障湍水萬鬼磋礮秦鏡光
霧黑霞丹會斑駁造物施手如倪黃猿鳥奔飛不可託
小景何由綴青蒼其下冥冥蛟龍鄉忽然挾雨蟠崇岡
爲洗氛垢傾清湘霹靂一聲潭底藏磊磊落落皆夕陽

東安道中

十日永州道委心江上遊山奇常肖物水淺不勝舟竹
雨沈邨碓松濤遞驛樓行藏非自主浩蕩羨沙鷗

果合山

陰崖忽逼舟仰視驚岌業層累立萬丈橫紋類駢脅飛
鳥所難度云有兵書匣諸葛寧到此地不近三峽審眎
一石耳懸度果何法獨愛鍾乳多累累遞相壓當空如
旌旒貼壁如韎韐或如鳳翥尾或如龍生甲長或如縞
帶圓或如畫翼大者金旛蓋小亦玉簾押采摘乏僊術
精英脫塵劫我自入永州日遭兩山夾此景尤奇異目
力窮一霎竹篙撐貴迅布帆轉彌怯幽潭幸得過可畏
不可狎

全州

歷盡三湘曲行經五嶺閒水圍堯女廟城枕柳侯山積
雪空回首寒花尙好顏明朝別篙竹策馬向嚴關

贈陳全州

天桂

自別東華軟土塵十年文酒失情親飽經清泚巉崑路
重見嶽崎歷落人盤石泉邊常送客捲烟閣外幾行春
城西便是湘山寺共看神僧過去身

全州道中官松歌

三里盤石山五里飛鸞橋萬松導我八桂路百里不斷

聲蕭蕭歷磴沿溪入烟霧擎空蟠地皆龍蛟繁葉千層
奮怒鬣直幹兩道驅奔濤鱗甲疊成絳雪色蒿蘿纏附
青銅條晴晝遮斷金烏影寒風吹落僊禽毛隙處看山
盡石筍濃於染黛相競高我行二日惟叫絕徒御似亦
忘其勞具說初栽自洪武太守章復龔黃曹樵蘇無敢
肆斤斧一株枯死猶干霄清陰經今四百載不翦不伐
長不凋始知爲政貴遺愛莫以棲寄同鷦鷯作牧豈少
營私橐有懷不爲民憂焦身後宰木摧且盡行人誰續

甘棠謠

靈渠

湘離分流處始鑿自史祿秦皇暴無道多爲後人福伏
波引饋運用疏不用築至唐屢堙圯循良妙洩蓄直注
斗門障旁溢鏹隄縮上下利沿沂南北遞湍湫先李後
有魚俎豆照荒服源源陽海山尊崇竝四瀆我有八口
船裝輕無百斛昨自全州別囊罄不由陸何日至靈渠
願天錫飛瀑乃值冬水淺預愁竹篙禿道逢興安宰催
放許能速官船每競先民船恐遭扑婉言謝興安勿煩
遣隸僕桂人方菜色待賑給糜粥家累何妨遲亟轉胡

南穀

興安縣

城郭在嶺首到來猶不知寒雲分水廟古木伏波祠行
路如旋磨看山盡卓錫西南有三洞衝虎采靈芝

桂林集卷第四

桂林

桂林論氣候不似五羊城瘴癘因寒減烟嵐待雨清當
階紛葉落近郭有猿鳴獨愛青山色森森似竹萌

寓西貢門外二首

讀書巖下得山茨小院明窗散秩宜衣籠惟攜刪後草
印牀盡度拓來碑事非村兔營三窟身似桃蟲寄一枝
便欲築亭名雪片最櫻情是少陵詩

棄置空衙邊綵南了無一物足烟嵐哦松未記丞哉壁

種竹翻同靜者菴坐嘯何人羨成瑨歸飛有夢效盧耽
經營暴窳兼儲酒臘尾春頭付一酣

除夕前一日二首

夢回未敢問晨炊紅日三竿入敝帷歲晚風寒嬾趨謁
臥看飢鼠齧文移

石筍當窗碧接天貧來對爾最欣然明朝一事難區處
要給嬌兒歷歲錢

拓碑二首

拓碑又出水東門龍隱巖邊釣石溫記事昔憑金蕊

題名今變蘇苔痕敢言著錄追歐趙不是藏書爲子孫
典盡羊裘買膠墨圖將跋尾還晨昏

一巖一洞常百種右手摩抄雙眼迷時挾鈔胥涉深水
昨驚羸僕墜高梯中唐典重參軍筆北宋寬閒守吏題
舊史無名費搜考自憐學問是醯雞

恩恩行

三月三日天放晴落花如雪滿春城恩恩奉檄住不得
忍辭山色奔山程浮嵐暖翠雨新洗城西千山接城裏
夾路嵯峨盡蒼玉城中巖洞什一耳悠悠揚揚樹上鳩

高高下下田間牛，卻悔城中失城外。
幾如螻蛄語春秋，落日蘇橋易輕槳。
船頭坐與山俯仰，炊黍斫鮮兼浮白。
一覺不知春水長。

秋子

蘇橋上秋子，蓬低不容坐。
撒薦據船底，霑濕袍襪浣。
當此吾能喜，平生困負馱。
青春供獨賞，白晝恣高臥。
烟雨罩巒岫，萬狀眼中過。
山頭松茸茸，山麓竹箇箇。
夾江映澄碧，可俯不可唾。
又聞篙師語陸路，石坎坳百里。
蘭麻山兜轉，似旋磨。
少人而多虎，巖棲忍寒餓。
何如沿駛流。

帆以片席作明發達雒容此行計非左一笑荅篙師姑
以遂吾情

鹿砦

峻嶺從何斷平疇到此多人烟出叢竹官舍倚滄波麥
雨消蠻瘴蘋風遞客歌邨名好堪記身自輞川過

舟中作

塞雁無家信沙鷗似允官江清多曲折風逆小盤桓地
入炎荒苦心經冷節酸松楸隔天末何問釣魚竿

雒容道中二首

棲畝陳陳宿草乾
營巢燕子得泥難
邦人卻仗爲霖手
報雨文書慰上官

田閒無復叱牛聲
牛肉如林滿縣城
早晚天公乞甘雨
不知何物代深咍

白面塘

白面塘邊路
山山各異形
七層雲外塔
九疊畫來屏
平地逢圓嶠
何人記落星
碑材滿巖洞
不見一行銘

來賓縣

小郭倚深塹
車從郭外停
空林生晚照
邨落似晨星
江

好呼紅水山多疊畫屏世無鄺善長誰爲著圖經

清明雨中過遷江

有渰興芳節殊方悵獨征雲低看欲墮山好問無名疫
後遊人少饑餘亂塚橫艱難逢好雨蕪穢待深耕土塊
方能破天河望更傾紛紛隨古渡寂寂入荒城竈下稀
炊火街頭或賣餠習慣終日惡感慨一時生萬里白楊
色百年烏鳥情無家作寒食有弟亦呼庚聞味成雞肋
單車過馬平鬢衰春草瘴夢斷夜猿聲薪米愁兒女鱗
鴻阻友生誰知蠻徼外涕淚灑清明

清明寓目二首

米貴如珠自去年春來用盡賣兒錢
邨邨井竈空如埽不到清明已禁烟

新墳不聞哭聲哀節到清明鬼莫猜
兒女紛紛船載去憑誰爲挂紙錢來

賓州二首

獨有賓州路逢年樂可知趁墟錢挂杖
饒畝玉翻匙草沒狄青壘烟沈韋厥碑
無端懷古跡惆悵欲何爲

泊宅潘夫子當年此建旌至今小民口
猶記使君名官

是羊興祖詩如宋子京十年隔顏色枉自託遷營

上林道中

八桂已天末南行更幾千家書斷黃耳客路近朱鷺雨
落清明後花開瘴霧邊攜來南庫酒猶助一宵眠

崑崙道中寄德太守坤

山簷水帶到來同關路如螺瘴霧空飛鳥影沈清澗底
叱牛聲出翠微中詩情處處歸陶弼戰跡人人說狄公
我愛琳琅記邕管郡齋應許問鐫璽

贈宣化李進士

曜庚

先生兩耳雷不聞弟子著錄森成羣
舉比常談盡墳典
坐令經義如披雲我使毛錐君使口
左江右江仗分剖
他年世親牂牁記始信天南有酈柳

敷文書院水亭爲前守杜公所築予寓其中八日

寄頌杜公桂林三首

陽明講書地東北有新亭古木斜遮檻
涼風曲入櫺安
牀容客子埽徑仗祠丁城上看山色
駸駸馬退青

坐久飛紅雨茶香亦碧腴
晴春帶炎徼郭邑有蓬壺池
淺分魚妾林深集鵲姑
醉依奇石徧箕踞慙狂夫

曾會南中彥詩牌挂壁多繁陰誰手植畱愛滿巖阿室
有文翁像陂傳杜母歌新堂開八桂憂樂較如何

南寧襍詩三首

邕州形勝地城郭幾回遷化久戈鋌靜炎多氣候偏青
山仍馬退流水自龍編烟火看西郭無殊大有年

野外何蕭索城中尙嘯歌方春風跋扈入夢雨滂沱已
失三春麥還期四月禾不愁烟瘴到青草亦無多

歸仁訪京觀嶺外鬱嵯峨文借余安道功追馬伏波諸
蠻歸井邑萬里罷瑯戈歲恙民何罪無端白骨多

陳公松

崑崙關路好百里在松陰樹自何年種人呼相國林風
來飛急瀑雨過寫鳴琴卻憶全州道虬龍歲月深

丁橋

翠鳥鳴沙觜紅泉轉樹腰行人將午飯驛舍及丁橋筍
轎蠻兒舉衣箱獐婦挑何人教引灌辛苦見秧苗

鄒墟渡

沽酒愁無地求漿幸有墟岸泥狼虎跡巖樹獐猺居剝
木爲舟小擔柴上市初看山忽清興忍餓駐肩輿

來賓道中

古驛遇三印郵亭才數椽與丁盡搖語衣袂生蠻烟小
麥綠彌野亂峯青插天片雲又作雨今歲定逢年

雅落

野戍逢雅落荒村見虎籠凝霜蔽麥雨吹火木棉風花
事春將老山光畫未工誰知諸獠洞蒼翠四圍中

歸過川山沈巡檢他出仍宿其可青書屋中二首
林巒如畫勝江南爲訪名亭又駐驂花藥添栽到南燭
今宵不共夢溪談

往來此地最開顏兩宿浮嵐暖翠閒三十年前詞客過

曾吟牛屋看青山

金巖川山驛詩云林壑頗幽觀居人太冥頑誰知牛屋底洗眼看青山

馬平道中二首

碧山無數夾春溪紫楝花香麥穗齊此路有何行不得

草閒終日鷓鴣啼

萬嶂千峯畫亦難南中造物費雕剜無人解築烟中屋

盡付獠男獠女看

寄弟

南來家信斷諸弟竟如何淚與猿聲盡愁如雨點多知

無種麥地尙念讀書巢。兆域碑應立先人得不磨。

陽朔舟中寄葯房

前年君說陽朔山。萬峯如柱青插天。今日我行陽朔道。
疊嶂臨江競娟好奇。正方圓各成隊如揚旌。蓋張羽葆
中。通飛鷁。駕駛流左。睇右。瞥千回頭。聽事看山已半載。
不如倚枕相沈浮。奔霆瀑轉峭巖落。擘絮雲經深洞。畱
百里目窮魂魄散。中宵夢向蓬壺遊。此時惟恨君不共
空讀新詩愛豪縱。玉簪羅帶絕高躅。南海明珠自鑿弄
我欲放酒下蒼梧。飄飄一葉遡番禺。叩君板門大叫呼。

持練不求蠅頭書求作陽朔山水圖

陽朔看山作

自入永州多石壁桂州柳州千里俱天然屏障互原野
碑材林立無龜趺泛舟陽朔更奇絕臨江重疊矜廉隅
誰始設此自開闢鍛鍊青玉天爲鑑日精月華與真彩
秋颿春雨除塵汗遷客不敢題俗作荒陲蟲蟲安用諸
國家右文開四庫籤飛軸走羅神都擇其精粹弄
祕閣鈔繕日費三千儒齊魯梨棗不給用何如於此排
書廚甲乙丙丁泝湘水五嶺南北停舳艫卷帙大小度

巖洞水天書法皆褚虞分體鉤勒齊施手楚粵多士操
昆吾餘力兼鏤草木狀高崖先鐫經史圖諸子姑舍釋
氏典前有靜琬雕璠瑜百年刻就萬年拓流傳海外森
楷模以書名山良不惡自一至億山山殊漢魏石經何
足數渚臺銘頌真區區 昭代制作邁前古糜帑百萬
如錙銖此山方可號南庫永永文教輝璿樞當其置使
廷臣領守吏亦得窺明珠知書永倅供奔趨小臣勘校
傾其愚登梯百仞眇兩臚夙所癖嗜寧憚劬病且死卽
埋山隅

酬葑房四首

蓬萊左股近君家
鴻爪相逢事事嘉
酒琰浮來胥口月
吟筇撐到磊園花
手摩羅漢千年絹
梯摘菩提萬葉紗
荔熟如今共誰啖
大馮君亦滯京華

獨尋山水上官遲
此意非君那得知
朱鳥雲霞覩嶽市
黃陵風雨問叢祠
江湖盡是曾看畫
巖洞猶多未拓碑
自到始安成擾擾
同牀幾輩費追隨

佐州誰道似驂鸞
賃屋爲衙半畝寬
病後依然趨大府
閒來忘覺是粗官
漸多官債兼私債
絕少新歡與舊歡

惟有牆頭山色好忍飢一日百回看

別後看奔十二蟲春來毫素忽相通詞源萬斛羅珠海
隸法三蒼補曲紅憶昔讎書其鐙火到今墮徑望烟遂
願君乘興遊陽朔不爲將歸一病翁

原作

陸沈簿領亦多時桂管蒼茫效一麾重別鄉園縈夢
數獨尋山水到官遲未忘北上分攜地可有東來會
合期一水羊城通尺素瘴雲蠻雨寄相思

千首清詩最絕羣兩邦風物得平分新篇合著驂鸞

錄舊日曾傳祭鱷文徧狀南方閒草木賸收西嶺好
烟雲折除樂事何容惜愛忍飢寒坐落暉

遺刻摩挲映鬢絲公餘幕府少文移千年金石歸歐
錄八桂文章近楚辭剔取薛痕人未到拓來薤葉手
親披虞衡舊志應須補祇著巖巒不著碑

尊酒誰論別後文掩關臥病對爐薰蜀州人日酬常
侍小院春風問使君漸覺田園歸有興夙知邱壑樂
難分何緣理柁湘江水共擁蒼梧一片雲

病中示小岑

十年不騎馬猥生上馬癰未決金在冶方潰水泄庸力
茶不舉體肉鑠隨流膿一月委牀蓐寒熱交渺躬昨日
君枉眎引坐襍穢中診我左右手問我創何從炎天犯
毒瘴單輿走賓邕所見多赫然層累京觀同長路日作
惡戾氣堆心胸歸來舉室餓僮僕散已空衣賤米價貴
得食日半春病後計益困君看憔悴容太息君旣去雙
鯉開郵筒羊城傳我死故人偵吉凶姑作不信語費淚
如飛淙讀罷霍然起揮荅快於風喘息猶爲人未死何
妨窮驚定神意躍華佗忽相逢不用何羅魚創口將可

封尚有山水緣與君理瘦筇

和作

在昔子輿病身負五管癰鼠肝與蟲臂造物信所庸
生且如附贅化亦等決膿無以形累神不知痛在躬
翁今困頑瘡礪魄生其中顧我三太息爲我言所從
慨此下民瘼災沴流賓邕此事復何預憂與杞人同
卽今歌雲漢毒已攻腹胸洵非一木支咄咄惟書空
願言保天和無使心擊春徐掬三昧水盥濯枯槁容
桂酒初撥醅桂布初開筒但日飲亡何聊以卒歲凶

翁乃爲我起渙若冰斯淙胡爲一紙書荒誕直搏風
地非瓊海外事類坡僊窮達人視死生不異旦暮逢
更爲君解嘲暫死學甯封神尻幸無恙同曳登山筇

寄肅齋廣州二首

聞君解組後日日有懽悰拓字攀雙塔彈琴就六榕時
將書在把不要酒澆胸歸路離江水萍飄定一逢

桂林到數月作惡爲思君良吏未食報諸郎將有聞般
陽存別墅歷下結同羣我亦移疾去叱牛畊白雲

南漢宮詞六首

穿渠築館滿南天
珠翠軒窗玳瑁船
美女波斯共遊戲
已將朝政付瓊僊

女巫坐擁紫霞裙
天語將宣百寶陳
求福臣銀頻下拜
玉皇惟讚姓龔人

師保疑丞盡女官
煌煌冠帶贊羅紈
士人無數歸蠶室
應作風鬟霧鬢看

珠江南是美人斜
歌舞經時嬋鬢鴉
香骨不隨降國長
年年爲發素馨花

宋師旌旆照城闔
巨舶倉皇載衆嬪
不似臨春陳後主

胭脂井底僅三人

羊頭二四應童謠年少中消盡北朝不獨珠鞍換卮酒
眼看新部號雲韶

哭梁志南四首

德水梁生死逾年達粵中名應身後大文匪目前工有
宅懷揚子呼鄉或鄭公吞聲寢門外萬里颯悲風

下帷董生里到死不窺園伊呂才誰信春秋義最繁居
家多篤行於友少甘言晚進矜詞賦寧知所學尊

齊魯推經學斯人接濟陽抗顏吾一日古貌爾千霜遺

草三曾易除經百不長平生周茂叔應爲理巾箱
燕趙同千里脩脩野鶴翎自言書有壽不怨室無丁死
別去年轍生還何日舸病軀猶嶺外垂老嘆飄零

閏月望日

閏月之望立秋辰委頓繩牀心轉輪五角六張餘幾日
千瘡百孔尙週身戟門報鼓罷奔走泥竈斷烟空嘅呻
歸不能歸仕非仕何方保護鬢如銀

瀕危聞雨

夢中聞雨聲游魄回天涯破曉開窗看濯濯花亞枝濃

雲落檐角伏枕亦得窺雨來何不早救我命如絲沈疴
已難起得此醒片時炎陽焚藏府萬里死可悲

病甚二首

命與秦黃一例奇蠻山不要冷官詩歸帆還駐三五驛
好遣游魂讀古碑

火山荔枝風味粗南來萬里竟何圖病愴思啖秋風鳥
天肯畱人八月無

寄周書昌

孰通經義孰文章歷下追隨似雁行連歲摧殘梁鄧李

歸然君是魯靈光